

**JAVNA USTANOVA
HISTORIJSKI ARHIV SARAJEVO
S A R A J E V O**

Na osnovu člana 29. stav (1) Zakona o ustanovama („Sl.list RBiH“, broj 6/92, 8/93 i 13/94), član 7. stav (1) i člana 8. stav (1) i (2) Zakona o ministarskim, vladinim i drugim imenovanjima FBiH („Službene novine FBiH“, broj 12/03, 34/03 i 65/13), člana 24. stav (1) Pravila JU Historijski arhiv Sarajevo, broj 02-1222-3/21 od 17.06.2021. godine, te Odluke Upravnog odbora JU Historijski arhiv Sarajevo, broj 02-61-3/23 od 12.01.2023. godine, raspisuje

K O N K U R S
za izbor i imenovanje
direktora JU Historijski arhiv Sarajevo

I Opis pozicije:

U ostvarivanju funkcije rukovođenja Arhivom, direktor obavlja i slijedeće poslove:

- zastupa i predstavlja ustanovu prema trećim licima, odgovoran je za zakonitost rada ustanove, predlaže Upravnom odboru mjere za efikasno i zakonito obavljanje djelatnosti Arhiva, predlaže unutrašnju organizaciju i sistematizaciju poslova i osnove planova rada i razvoja Arhiva, izvršava odluke Upravnog odbora i drugih organa Arhiva, odlučuje o pravima, obavezama i odgovornostima zaposlenika iz radnog odnosa, naredbodavac je u izvršenju finansijskog plana, podnosi Upravnom odboru Arhiva godišnji izvještaj o radu i izvještaj o finansijskom poslovanju, brine se o podizanju, razvoju i stručnom usavršavanju naučnih, stručnih i ostalih kadrova, vrši i druge poslove i ima druge dužnosti i prava utvrđena općim aktima Arhiva, u skladu sa zakonom.

II Opći uslovi

- da je državljanin Bosne i Hercegovine
- da je stariji od 18 godina
- da nije otpušten iz državne službe kao rezultat disciplinske mjere na bilo kom nivou u BiH u periodu od tri godine prije objavljivanja konkursa
- da nije pod optužnicom međunarodnog suda za ratne zločine u bivšoj Jugoslaviji (član IX 1. Ustava BiH)
- da se protiv kandidata ne vodi krivični postupak, odnosno da nije osuđivan za krivično djelo ili privredni prestup

III Posebni uslovi

- visoka stručna sprema, VII stepen ili završen najmanje drugi ciklus bolonjskog studija, završen Filozofski fakultet, Pravni fakultet, Fakultet političkih i drugih društveno-humanističkih nauka,
- radno iskustvo na poslovima iz oblasti kulture i naučno-istraživačkog rada u trajanju od najmanje pet (5) godina,
- zvanje najmanje višeg stručnog/naučnog saradnika u javnim ustanovama kulture ili nauke
- najmanje tri objavljena stručna/naučna rada iz arhivistike, historije ili drugih srodnih oblasti,
- poznavanje jednog stranog jezika,
- da se ističe organizacionim sposobnostima i društvenim radom.

IV Kandidati su dužni uz prijavu priložiti sljedeću dokumentaciju:

- kraću biografiju
- uvjerenje o državljanstvu (ne starije od šest mjeseci)
- izvod iz matične knjige rođenih,
- diplomu o stručnoj spremi , original ili ovjerena kopija
- uvjerenje o radnom iskustvu
- uvjerenje o zvanju višeg stručnog/naučnog saradnika u javnim ustanovama kulture ili nauke
- dokaz o objavljenim stručnim/naučnim radovima iz arhivistike, historije ili drugih srodnih oblasti
- dokaz o poznavanju stranog jezika
- izjavu kandidata potpisanu i ovjerenu od nadležnog organa iz tačke II alineja 3 i 4.
- plan i program rada za četverogodišnji mandatni period

Kandidat koji bude izabran za direktora dužan je da prije preuzimanja dužnosti dostavi

- uvjerenje o nekažnjavanju,
- uvjerenje da se protiv kandidata ne vodi krivični postupak, odnosno da nije osuđivan za krivično djelo ili privredni prestup (ne starije od tri mjeseca)

Izbor i imenovanje direktora se vrši na period od četiri godine.

Konkurs će se objaviti u „Službenim novinama“ Federacije BiH i u dnevnom listu „Oslobodjenje“ .

Konkurs ostaje otvoren 15 dana od dana posljednjeg objavljivanja.

Na osnovu procjene kvalifikacija i iskustva prijavljenih kandidata Komisija za provođenje konkursa utvrdit će prijedlog liste kandidata koji ulaze u uži izbor.

Sa odabranim kandidatima Komisija za provođenje konkursa će obaviti intervju.

IV Prijave sa potrebnom dokumentacijom dostaviti lično ili putem pošte na adresu:

JU Historijski arhiv Sarajevo, Alipašina 19, 71000 Sarajevo, sa naznakom „Prijava na konkurs za izbor i imenovanje direktora – ne otvarati“.

Nepotpune i neblagovremene prijave neće se uzeti u razmatranje.

